



**Guarda nos costa tambe  
a tene un accion  
na diferente sitionan  
nocturno**



**WWW.SOLODIPUEBLO.COM**



**SOLODIPUEBLO@GMAIL.COM**

## **MEP TA ADVERTI RIBA IMPACTO DI MAL MANEHO FINANCIERO NA ARUBA**

## **GOBIERNO DI ARUBA TA INSISTI RIBA UN CEO LOCAL PA AEROPUERTO**



## **TEVREDEN TA CRITICA MANIOBRA POLITICO DURANTE ELECCION**

## **AUTO A BOLTER NA ROTONDE BANDA DI SUPERFOOD CHAUFFEUR A BANDONA E SITIO!**



## **MAS DETENCION DURANTE CONTROL, 2 DI NAN TABATA ASINA BEBI CU E ALCO-SENSOR TA MARCA "ERROR"**





Stratega electoral:

# TEVREDEN TA CRITICA MANIOBRA POLITICO DURANTE ELECCION

Lider di fraccion di MEP, Parlamentario Hendrik Tevreden, a cuestiona e strategia uza pa AVP den e ultimo eleccion, señalando cu e candidatura di Wendrick Cicilia tabata un tactica pa capta voto strategico. Segun Tevreden, AVP tabata na riesgo di perde un cantidad significativo di voto debi n'e erornan den e conformacion di nan lista, pa cual nan a

recuri na un wega politico pa recupera sosten.

Di acuerdo cu e Parlamentario, e strategia aki a resulta determinante, ya cu solamente 300 voto di diferencia, AVP a logra impone den e eleccion. E margen preta aki a resalta e importancia di cada voto y ta demostra con cierto maniobra por influencia den e resultado

electoral.

Fuera di esey, Tevreden a recorda cu durante e administracion di Mike Eman II, AVP a maneha e presupuesto cu a uega te hasta un 300% di loke a premira inicialmente. P'e Parlamentario, e antecedentenan aki ta genera preocupacion riba con lo administra e recursonan den caso cu AVP bolbe bin na poder.

# POLIS A BAY PA UN ACCIDENTE SEMI-FRONTAL NA SOMBRE



Diabierna anochi a drenta informe di un accidente semi-frontal cu hende posiblemente herida na Sombre, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente semi-frontal di wiel cu wiel unda niun di 2 autonan por a sigui core.

Un chauffeur cual nan a

kere cu a resulta herida pero tabata spanta y no herida. Ningun di e 2 autonan por a sigui core riba nan propio forsa y tabata mester di takelwagen.





# MEP TA ADVERTI RIBA IMPACTO DI MAL MANEHO FINANCIERO NA ARUBA

Durante su participacion den Interes di Pueblo, Parlamentario Hendrik Tevreden a enfatisa riba e importancia di un administracion financiero responsabel pa evita ripiti e erornan di pasado. El a señala cu e mal maneho economico durante e gobiernonan di Mike Eman a hiba Aruba den un situacion di debe insostenibel, cu a mir'e empeora p'e pandemia.

Tevreden a recorda cu, durante e administracion

di AVP, e debe nacional a crece sin control, alcansando nivel preocupante. Den contraste, el a sigura cu e gobierno di MEP a logra reduci significativamente e Debt to GDP, demostrando un compromiso cu e estabilidad fiscal di e pais.

Fuera di esey, el a expresa su preocupacion p'e promesanan di e campaña di AVP, manera e duplicacion di pensioen, sin un plan financiero solido patras. Segun e parlamentario, e

medidanan manera esaki por compromete e estabilidad di e pais y reverce e avancen lograden e ultimo añanan.

Pa Tevreden ta fundamental cu cualkier gobierno cu actua cu transparencia y responsabilidad, sigurando cu e decisionnan economico ta beneficia e poblacion sin pone e recuperacion financiero di Aruba na riesgo.

## Minister Dangui Oduber

# GOBIERNO DI ARUBA TA INSISTI RIBA UN CEO LOCAL PA AEROPUERTO



Durante e programa Interes di Pueblo na TOP95.1, Minister di Turismo demisionario, Dangui Oduber a indica cu Gobierno di Aruba ta reafirma su postura cu, despues di 20 aña di maneho stranhero, un profesional Arubiano mester asumi e direccion di aeropuerto.

E ta sigui bisa cu e contract cu Schiphol Group a

contempla e formacion di un Director Ejecutivo local, pero esey nunca a realisa. Awo, cu e renobacion di e contract den discusion, Gobierno ta exige e cumplimiento di e compromiso aki. Mientrastanto Mike Eman, lider di AVP, ta sostene e continuidad di Schiphol Group, loke a genera critica riba su falta di confiansa den e profesionalnan local.



**De Minister van Justitie en Sociale Zaken is voornemens in het openbaar aan te besteden.**

Het project:

**" Levering van een Mobiel Watertransportsysteem, bestaande uit een haakarmvoertuig en een bijpassende pompunit ten behoeve van Dienst Brandweer Aruba".**

Volgens bestek **D.B.A.-nr. 1 dj. 2025**

### Korte omschrijving van het werk:

- Levering van een Mobiel Watertransportsysteem, bestaande uit een haakarmvoertuig en een bijpassende pompunit ten behoeve van Dienst Brandweer Aruba.
- De pompunit moet geschikt zijn voor:
  - o Grootchalig watertransport voor brandbestrijding en
  - o Het wegpompen van water bij overstromingen.
- Het haakarmvoertuig bestaat uit een enkele cabine op een chassis met all-terrain banden. Het moet een vierwielaandrijving zijn, diesel aangedreven, met een automatische transmissie.
- De pompunit heeft een capaciteit van minimaal 8.000 liter per minuut over een afstand van 1.000 meter met een uittrede druk van 1,5 bar.
- Dit apparaat moet zijn uitgerust met diverse andere onderdelen zoals vereist in de specificaties opgenomen in bestek.
- Het staat de aanbieder vrij om alternatieve, gelijkwaardige oplossingen aan te bieden. Daar waar merken en/of typen staan genoemd in het bestek, zijn aantoonbaar gelijkwaardige merken en/of typen toegestaan.

Het bestek is vanaf **3 februari 2025** verkrijgbaar bij de afdeling Bedrijfsvoering van de Dienst Brandweer Aruba tegen betaling van **Afl. 450,00** op de bankrekeningnummer# 329391 van Aruba Bank. Betalingsbewijs leveren bij Tanki Flip 13 of via email [receptie@brandweer.aw](mailto:receptie@brandweer.aw).

Inlichtingen worden verstrekt op **10 februari 2025** om **10:00 v.m.** in de commandokamer van de Dienst Brandweer Aruba te Tanki Flip 13. Desgewenst kan ook via een apart aan te vragen online verbinding inlichtingen worden verstrekt (op 10 feb). De Nota van Inlichtingen wordt vastgesteld op **14 februari 2025** en is vanaf die dag verkrijgbaar bij de afdeling Bedrijfsvoering.

De openbare aanbesteding vindt plaats op **28 februari 2025** om **11:00 v.m.** op het kantoor van de Interim Commandant van de Dienst Brandweer Aruba te Tanki Flip 13.

Het **Landsbesluit openbare aanbestedingen (AB 1996 no. 58)**, de **Uniforme Administratieve Voorwaarden (UAV-DOW)** en de **ALGEMENE VOORWAARDEN VOOR LEVERING VAN GOEDEREN EN DIENSTEN AAN LAND ARUBA** zijn op deze aanbesteding van toepassing.

De directievoering is in handen van **Dienst brandweer Aruba**  
De gestanddoeningstermijn is **90 dagen**.

### De inschrijver moet bij zijn inschrijving de volgende vereisten overleggen:

1. Bewijs van inschrijving bij de Kamer van Koophandel (niet ouder dan 6 maanden);
2. Gewaarmerkte inschrijvingsformulier.
3. Gewaarmerkte specificatie inschrijfsom.
4. Bereidheidsverklaring tot het instellen van een bankgarantie van 10% van de inschrijfsom.
5. Overige vereisten opgenomen in het bestek.



# MAS DETENCION DURANTE CONTROL, 2 DI NAN TABATA ASINA BEBI CU E ALCO-SENSOR TA MARCA "ERROR"



Diabierna anochi e "error". Mesora a detene controlnan a sigui na nan y a hiba nan warda Savaneta, aki polisnan di polis pa encamina adetene 2 chauffeur cu e proceso di detencion tabata asina burachi cu e y posibel kitamento di alco-sensor tabata duna rijbewijs.


## ACCIDENTE PA FALTA DI PREFERENCIA NA CRUSADA WESTSTRAAT Y PROF. LORENTZSTRAAT



Diasabra atardi a drenta informe di un accidente na e crusada Weststraat y Prof. Lorentzstraat, mesora a dirigi un patruya na e sitio. Na yegada di e

patruya a bin compronde cu aki ta trata di un accidente unda un Mitsubishi Lancer cu tabata bini for di Weststraat no a duna un Kia Sportage Prof.

Lorentzstraat preferencia y nan a dal den otro. Afortunadamente ningun hende a resulta herida.





# PROFESIONALNAN ARUBIANO A DEMOSTRA CU NAN POR MANEHA E AEROPUERTO

Dene ultimo lunanan, Aeropuerto Internacional Reina Beatrix, a wordo administra pa profesional Arubiano y e resultadonan tabata positivo. Segun Dangui Oduber, Minister di Turismo, durante Interes di Pueblo na TOP

FM95.1, aña 2024 tabata e miho den historia di e aeropuerto sin e intervencion di Schiphol Group.

Apesar di esey, e empresa Hulandes ta insisti

cu ta un stranhero mester ocupa e posicion di CEO, loke a genera un "deadlock" den e negociacionnan. Pakico sigui depende di exterior siendo cu Aruba a demostra cu nan por maneha su propio Aeropuerto?

## SR. WERLEMAN DI DIRECTIE FINANCIEN A ATENDE CAMBIO Y RETO RIBA E NORMANAN FINANCIERO DEN PARLAMENTO

Durante un encuentro publico den Parlamento, diahuebs, dia 30 di januari, sr. Werleman di Directie Financien, a destaca varios aspecto clave di e normanan financiero y presupuestario. Aunke sin drenta den hopi detaye, a menciona cu ya a pidi e informe definitivo di IMF




riba e tema. Te aworaki, loke por a observa ta cu e cantida di norma prescribi parce ta disminuyendo, loke por wordo mira como un avance compara cu e situacion actual

Ta existi tres norma principal, pero tambe tin regla ora cu ta trata

di movimiento financiero. E punto aki hopi biaha ta genera debate riba con pa defini cu ta considera un movimiento financiero. Aunke e obhetivo inifical ta positivo, frecuentemente e tema ta complica cu discusion tecnico cu no semper ta conduci na situacion cla.

Encuanto e best practices, a subraya e importancia di e simplicidad den su aplicacion. Lo positivo di e situacion aki ta cu ta permiti un mayor flexibilidad den e maneho financiero, facilitando asina un enfoque mas efectivo.

## SUPLICA TA BAY PA E DOÑO DI AUTO SIN RIJBEWIJS SIN SEGURO Y SIN PLACA PA HALA SU AUTO DI EYNAN!



Recientemente tabata tin un Nissan March cu lo a bolter na e rotonde Ponton riba E.J. "Watty" Vos Blvd., E chauffeur no tin seguro ni rijbewijs pa colmo sin placa y no por a paga un takelwagen pa hib'e su cas, garage of Daltra, Como no tabata tin placa polis a laga takelwagen pon'e den

parkinglot dilanti negoshi formando un mahos bista pa e negoshi como tambe e vecindario.

Suplica ta bay na e doño pa e hala e lok'e a keda di dje eynan para!.





# ACCIDENTE SEMI-FRONTAL NA KADUSHI LARGO CU HENDE HERIDA



Diasabra atardi a drenta informe di un accidente cu hende herida na Kadushi Largo, mesora a dirigi tanto polos como ambulans na e sitio. Na yegada di e patruya a bin compronde cu aki ta trata di un accidente semi-frontal entre un Toyota Yaris cu lo a bira dilanti e Hyundai y nan a dal riba otro den un fuerte impacto. Debi na e impacto aki un persona lo a fractura su nanishi y un mucha a resulta herida. E chauffeur a bandona sitio y e mucha a ser atendi pa e personal di ambulans na e sitio mes.

# AUTO CORIENDO CU PLACHI DI GARAGE OF AGENCIA DI AUTO NO MAG CORE ANOCHI, ELA HAYA BOET



Durante e control diabierna anochi na Savaneta polis a para un auto cu e plachi di GAR of sea plachi cu ta pertenece na garage of agencia di auto y nan ta destina unicamente pa core den dia y no den anochi! E chauffeur a ser para y un boet a cay pa esey.





# AVANCE ECONOMICO: MEP TA LIDER RECUPERACION Y TA SOSTENE FUTURO DI ARUBA

Den un entrevista durante Interes di Pueblo, lider di fraccion di MEP, Parlamentario Hendrik Tevreden, a analisa e efectonan di e pandemia den e economia di Aruba.

El a sigura cu e debe a alcanza 126% di e GDP, pero a destaca cu e gobierno actual a logra reducie na un 73% den solamente cuater aña.

Sinembargo, Tevreden a expresa su

preocupacion p'e proposicion di parti di Mike Eman di AVP pa aumenta e pensioen sin un fuente di financiamiento cla. El a pidi autoridad pa ta cauteloso y tuma decision cu no ta pone e estabilidad economico di e isla na riesgo.

## AUTO A BOLTER NA ROTONDE BANDA DI SUPERFOOD CHAUFFEUR A BANDONA E SITIO!



auto su so na e rotonde mientras tabata tin borchì trafico y palo di lus destrui. Aparentemente e chauffeur yegando cu demasiado velocidad a perde control yegando e rotonde, subi acera, ranca borchì trafico, dal palo di lus y bolter. E chauffeur mes no tabata na e sitio.



Diadomingo madruga banda di Superfood, a drenta informe di un mesora a dirigi un patrulla accidente unda cu un auto na e sitio. Na yegada di lo a bolter na e rotonde e patrulla a bin haya e





# UNICAMENTE DEN UN FRENTE NACIONAL NOS LO VENCE

Na prome luga nos mester felicita secretario general di PPA señor Otmar Oduber cu su caso den corte di prome instancia. Cu e veredicto di huez, sr. Oduber por sigui representa PPA den Parlamento di Aruba y nos ta convenci cu e lo sa di defende nos pueblo.

Na di dos luga, diabuebs 29 di januari 2025 Aruba por a sigui un encuentro publico caminda e prome minister demisionario di Aruba Sra. Evelyn Wever-Croes a duna informacion na parlamento. Por conclui cu Gabinete Wever-Croes a haci nan esfuerso pa negocia cu Hulanda no obstante e situacion cu Aruba tabata aden. Tambe nos por a compronde cu varios mocion a wordo entrega pa yega na un acuerdo cu Hulanda riba un posibel implementacion di un Rijkswet.

Mientrastanto tempo ta sigui pasa y prome cu dia 1 di mei 2025 Parlamento di Aruba mester tuma un decision riba un Rijkswet cu ainda no ta conoci pa Parlamento di Aruba.

Por compronde cu gabinete demisionario ta na mesa di negociacion ainda, sinembargo ta mas cu logico cu Hulanda kier mira cu nos politiconan na Aruba ta comprometi pa (sigui) hiba un finansa saludabel y duradero na beneficio di e pueblo Arubano. Un finansa publico cu ta permiti pa Aruba paga su debenan y na mesun momento inverti den e pueblo pa sigui progresa y bira mas resiliente. Pa Aruba por tin un finansa publico robusto, stabiel y sostenibel. Sinembargo forsa un consenso riba un Rijkswet cu tin un impacto grandi riba nos autonomia financiero y pone como condicion cu si e Rijkswet no wordo acepta lo pone un interes mas halto riba e pago di fianza, no lo yuda Aruba pa asumi su responsabilidad. E decision aki lo hinca nos mas profundo den e abismo di debe nacional y lo fomenta y sigui cultiva dependencia di Aruba na Hulanda. Esaki simplemente no ta sano ni posibel mas den siglo 21. Cu den pasado nos a hiba un maneho financiero deficiente ta un echo y Aruba ta consciente




di esaki. P'esey pueblo a sa di vota otro na december 2024 y a manda un mensahe cla y raspa caminda e dos partidonan cu a goberna tur tempo a bay atras den voto. Cu e conscientisacion aki, formando un Frente Nacional entre politiconan y gremionan nos por muestra Hulanda e disciplina, determinacion, madurez y compromiso cu Aruba tin pa su pueblo y hiba un finansa responsabel manteniendo e normanan presupuestario den e LAft. Tambe ta hopi importante pa sa cu Reino Hulandes, pa medio di Statuut voor het Koninkrijk der Nederlanden, tin instrumentonan pa tuma un decision si nos no ta

tene nos mes na palabracionnan haci of areglonan cera cu Reino Hulandes. Pues sin un Rijkswet, Reino Hulandes ya caba por actua si mira cu cosnan no ta bay bon.

PPA a bay campaña cu e Plan Nos Aruba 2025-2050 y pueblo a duna nos sosten cu un asiento den parlamento. PPA den e Plan Nos aruba 2025-2050 ta boga pa mantene e normanan presupuestario den LAft sin tin cu bay over den un RAft. Den e plan aki PPA a elabora especificamente con Aruba ta bay garantiza un finansa responsabel.


Si Hulanda ta desea pa fomenta y stimula igualdad den Reino Hulandes, nos mester ta dispuesto pa confia otro y mas ainda empodera nos. Cu un Frente Nacional representando mayoria sector na Aruba, pueblo Arubano y pueblo Hulandes por ta convenci cu nos lo logra metanan comun na beneficio di nos pueblo. Uni den un Frente Nacional so nos lo vence y dividi nos lo cay.

## RIBA CAMINDA DI TERA AUTO A SLIP PERDE CONTROL BAY DAL PALO DI LUS NA BURUBUNO



Diasabra atardi laat a drenta informe di un accidente cu hende herida na Burubuno, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda riba caminda di tera un Honda Fit a perde control y a bay dal un palo di lus. Debi na e impacto e dama sinta na banda a resulta herida. Na yegada di e



ambulans nan a atende hospital. e dama y a transporte pa



# GERBERT KUNST REPRESENTANTE DI HULANDA NOBO NA ARUBA, CORSOU Y SINT MAARTEN

Conseho di minister, riba proposicion di secretario di estado Zsolt Szabo di Digitalisacion y Relacion di Reino, a bay di acuerdo cu nombramento di señor Gerbert Kunst como Representante nobo di Hulanda na Aruba, Corsou y St. Maarten. E nombramento di señor Kunst ta drenta na vigor entrante 15 di mei 2025.

Mr. G.P.G. (Gerbert) Kunst na e momentonan aki ta director di Maneho Internacional na ministerio di Enseñansa, Cultura y Ciencia (OCW). E tabata anteriormente entre otro consul-general di Reino Hulandes na San Francisco y director di Asuntonan Europeo y Internacional na ministerio di Asuntonan Economico (EZ). Señor Kunst a studia derecho na Leiden y ademas ta posee un Master of Business

Administration (MBA) y un Master of Public Administration (MPA).

Representacion di Hulanda na Aruba, Corsou y Sint Maarten (VNACS) tin oficina na Willemstad (VNW), Oranjestad (VNO) y Philipsburg (VNP) y e ta representa Hulanda den e tres paisnan. E Representante ta na cabes di nan y ta hunga un rol crucial den mantencion di un bon relacion cu e tres paisnan autonomo. VNACS ta contribui na realisacion y implementacion di e maneho Hulandes pa e paisnan. Tambe VNACS ta brinda ayuda y asistencia na Hulandesnan den necesidad y ta coordina e maneho di dunamento di asistencia for di Hulanda den caso di crisis grandi. VNACS ta eherce su tareanan den bon cooperacion cu tur cuater

pais den Reino.

Gerbert Kunst: “E ultimo añanan mi por a contribui for di e ministerio di OCW, hunto cu coleganan di Aruba, Corsou y Sint Maarten, pa fortifica cooperacion den Reino riba tereno di enseñansa, cultura y ciencia.

Por ehempel, pa medio di creacion di e Strategic Education Alliance. Cu e experiencia ey y e firme conviccion cu a base di un posicion di igualdad, e cuater paisnan por logra mas hunto den contexto di Reino, cu cada un riba nan mes, mi ta ansioso pa bay representa Hulanda riba tereno di maneho gubernamental den e tres paisnan ey. Y principalmente tambe pa haci esaki cu un team di coleganan motiva na e tres oficinanan, cu kende gustosamente lo mi ta



desea di ta e conexion principal pa tur partner maneragobiernonan, companianan y sociedad civil, den e relacion aki.”

Secretario di estado Szabo ta contento cu e nombramento: “Gerbert Kunst ta trece un rikesa na experiencia internacional y for di Den Haag cune.

E ta un profesional motiva y mi ta spera cu

hunto cu su coleganan e lo bira e intermediario importante cu por duna un contribucion riba tanto tereno economico-financiero, como e tereno di mantencion di ley, pa amplia y profundisa e relacion. Mi ta contento cu nos a haya un candidato pa e puesto aki, cu en bista di su conocimiento y experiencia cu e partinan Caribense di Reino, tin bista pa loke tin mester pa un bon cooperacion entre Hulanda y Corsou, Aruba y Sint Maarten.”

Te ora cu e representante nobo asumi su encargo, drs. S.J.P.L. (Saskia) de Reuver, a base di su funcion como director Relacion di Reino/Paisnan na ministerio di Asuntonan Interno y Relacion di Reino, lo reemplasa como Representante na Aruba, Corsou y Sint Maarten.

## HOMBER A CAY FOR DI UN MACHINE Y TABATA KEHA DI DOLOR NA SU RUDIA



Diahuebs mainta a drenta informe di cu na un heavy equipment na Mahuma un persona a cau for di un Heavy equipment machine

na Mahuma, mesora a dirigi un ambulans p'e na na e sitio. Na yegada die ambulans a bin compronde cu e operador a cay riba

su rudia y tabata tin hopi dolor, mesora nan a atende y a transporte cu urgencia pa hospital.





# SABIDURIA DEN NOS ALEGRIA

Skirbi pa Ruthy”Lady Ruth” Vrieswijk-Bergen



Uffffff! Nos ta birando poco poco mas adulto mayor. Despues cu nos a pasa un cambio di anja un poco diferente, habri anja cu algun persona stima y conosi den nos comunidad cu a bay nos dilanti y tambe despues di un kebrante di salud, fuera di e pausa cu a tuma pa motibo di mi laptop cu a tuma un break, nos no por corda si nos a cubri un crenchi e dushi anochi na Oneils kitchen den curason di San Nicolas cu e anochi dushi y bunita di recauda fondo pa Stichting Colegio San Nicolas Nigel Mathew. Nos ta relata algo di dje awe of atrobe, no big deal, mi tambe mag lubida y of ripiti hahahahaha, aunke no por skirbi dos relato mes mescos nunca. Despues nos lo bin cu algo bunita dedica na e anochi di homenahe na Joyce Pereira cu a tuma lugar recientemente den Cas di Papiamento. Un bes pa siman ta muestra hopi, pero ora tin 2 of mas topico pa cubri di curason, nos no ta logra tur ora debidamente y ta hinka nan den otro den e mesun relato. Uffffff! E fundacion pa Colegio San Nicolas Nigel Mathew ta existi pa varios anjas caba

y e direktiva dinamico cu e.o. e rumannan Suzy y Magaly Maduro dunando nan aporte fielmente pa yuda alumnonan di e scol ,cu nan a atende tempo di nan tempo, mirando e necesidad pa locual tin mester, sea ta material pa scol na buki etc. of na algo cu e studiantenan mes no por cubri. Meneer Nigel Mathew tambe tawata tey y Lady Ruth a hasi uso di e oportunidad di a regale su buki Alegria di Ruthy Poema 2, cu a wordo altamente aprecia. Un persona humilde pero fuerte den su sapato cu no ta gusta buya, un bon artista pintor. Tawata un bunita anochi, nos por corda cla cla, cu Magaly a tene un bunita speech di curason cu a cay na agrado di tur presente, e.o. repasando con a fundacion a cuminsa y kico tur ta hasi. Nos, como e poeta di pueblo, Lady Ruth, a hanja e oportunidad di a recita un poema prosa un crenchi largo, pero cu a wordo scucha cu hopi atencion , e bunita mensahe pa cu cambio di anja. Nos a topa cu Peter Auwerda, e yui homber di un di mi maestronan di Mon Plaisir College Meneer Jan

Auwerda, awe dfm.,den compania di su bunita sra.esposa Miriam . Nos a sinta na mesa cu Carlino Koolman y Magaly, su bunita sra.esposa y pasa momentonan hopi agradabel combersando y saboreando e dushi cuminda di Oneils kitchen. Nos a hasi conosi cu meneer Capelo di Colegio Arubano, un bon meneer cu amigo Nilton Lacle di Diario sa menciona varios biaha den nos combersacionnan di “antes”. Lady Ruth a atende Colegio anochi, Avond Havo na anjanan setenta, pues no tawata conose tur hende presente e anochi ey di Colegio den dia, pero si tawata conose hopi di nan pa cara y curason bunita den nos comunidad, e.o. Verna Croes y “Gini” cu ta canta bunita cu e musiconan Ruben y Yolanda Croes, nos ta yamele Gini, pero e tin un otro nomber. A usa tur dos e salanan den e restaurant Oneils kitchen e anochi ey, tawata un fundraising exitoso ! Sold out ! Cu excelente servicio di e team di waiter y waitressnan, atento y hopi amabel. Y e cuminda tawata duuuushiiii! Esaki tawata un actividad cu a tuma lugar den December anja pasa cu nos a comparti (atrobe ?) un crenchi di dje awe, sperando cu awor si nos ta “up in top” cu nos topiconan andando. Nos falta esun di Joyce y esun di mi buki” Rene su dushi wega”. Ta bon mes cu e buki no ta core sconde cana bay ! Pronto nos lo ta na Plaza Bookshop atrobe pa firma buki segun deseo di e cumprado. Danki na tur e bon comentarionan drentando di “Rene su



dushi wega”. Nos ta drentando e luna di februari, dia di San Valentin, dia di mas amor ! Mientras actividadnan carnavalesco rond di nos tambe ta anuncia nan presencia aki aya. Danki pa e pasenshi y danki pa lesa nos relato cu atencion. Cuida curpa shonnan, y corda bebe bo glasnan di awa ! Un dushi dia yen di sabiduria den nos alegria pa nos tur ! Corda duna Dios danki pa salud y pa tur otro bon cos den bo bida. E ta duna, E ta tuma. Y asina bon Dios a tuma serca dje Sra. Antonia Alcida Maduro Ras, “CHIDA” e bunita mama di nos ministro di cultura Xiomara Maduro y di Eugene Maduro .

Nos condolencia, consuelo y amor na bosonan . Chida awor serca su casa

Tommy, den paz y lus eterno serca nan Creador. Chida y Tommy, bon bisinja di nos famia den Patiastraat anjanan atras. Un “bearhug” pa lieve Xiomara y Eugene, nan pareha, yuinan nietonan di Chida cu Tommy. Na tur rumannan di Chida y na demas famia Ras, Maduro y demas famianan amigonan y conosirnan. Cu lieve mooie Chida sosega na paz. Condolencia, consuelo y amor tambe na tur famian di sr. Jesus Maria Jose “JOY” Kock, e legendario musico cu trayectoria impresionante, kende tambe a wordo yama pa bay nos dilanti. Cu Joy sosega na paz den brasa di su Creador di amor. Asina alegria a bay man den man atrobe cu tristeza. Sea abo un regalo precioso bek na Dios.



# ACCIDENTE PA FALTA DI PREFERENCIA NA CRUSADA WESTSTRAAT Y PROF. LORENTZSTRAAT



Diasabra anochi laat a drenta informe di un accidente na e crusada Weststraat y Prof. Lorentzstraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un Kia Rio cu tabata bini for di Weststraat no a duna un Kia Seltos Prof. Lorentzstraat preferenciaynanadalden otro. Afortunadamente ningun hende a resulta herida.

## GUARDA NOS COSTA TAMBE A TENE UN ACCION NA DIFERENTE SITIONAN NOCTURNO



**Clasificados**

SOLODIPUEBLO@GMAIL.COM  
CEL. 585 9500

Diabierna anochi e oficialnan di Guarda Nos Costa a subi caya pa tene control na diferente sitionan.

Na diferente di e sitionan a logra haya varios indocumentadonan. Nan kiermeen e tipo di controlnan asina aki lo continua.



# POLISNAN CU CONTROL SORPRESIVO NA SAVANETA

## UN PERSONA DETENI Y OTRO 2 PROHIBI PA STUUR



Diabierna tempran trafico unda a para varios un persona y a prohibi otro  
den oranan di anochi a chauffeur den e prome 2nan pa stuur.  
cuminsa cu un control den momentonan caba a detene

# PROCESO DI SELECCION BAO DI VERGROOTGLAS: E TA HUSTO PA ARUBA?


Schiphol Group a cuminsa cu un proceso di "werving en selectie" pa scoge e siguiente CEO d

Di e cinco candidatonan evalua, dos tabata Arubiano, pero finalmente a keda for di e seleccion final.







Na nan luga, e finalistanan tabata stranhero, loke a genera critica for di Gobierno di Aruba.

Gobierno ta insisti cu despues di 20 aña di maneho externo, a yega e momento pa un profesional Arubiano asumi direccion di aeropuerto. Sinembargo, Schiphol Group ta mantene su postura pa sigui cu un CEO stranhero, loke a complica e negociacionnan pa renoba e contract.

Esaki ta un proceso berdaderamente husto pa Aruba?



Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - February 02, 2025

|   |   |   |   |  |
|---|---|---|---|--|
| <br>Sorteo # 4524<br>6725<br>1299<br>0590<br>MULTI-X<br>X3<br>BIG 4<br>Sorteo # 4524<br>1542<br>MULTI-X<br>X2<br>TUFF<br>Sorteo # 2580<br>1579<br>ZODIAC<br>Sorteo # 4524<br>2615<br>Capricornio<br>LUCKY 3<br>Sorteo # 1398<br>781<br>MULTI-X<br>X2 | <br>Sorteo #<br>0 x Jackpot<br>0 x Match 4+<br>0 x Match 4<br>0 x Afl. 12,00<br>Joker Letter<br>Proximo Jackpot<br>250.000,- | <br>Sorteo #<br>0 x Jackpot<br>0 x Match 4<br>0 x Afl. 8,00<br>Proximo Jackpot<br>50.000,- | <br>Sorteo #<br>0 x Jackpot<br>0 x match 4<br>0 x Afl. 500,00<br>0 x Afl. 50,00<br>0 x Afl. 15,00<br>Mega Ball<br>Proximo Jackpot<br>1.000.000,-<br>Afl. 1.600.000,- | <br>Sorteo #<br> |
|---|---|---|---|--|



# Na Ponton un homber di edad a sali bay pa cumpra algo y a dal abao banda di caminda



Diasabra madrugá a drenta informe di cu tin un homber di edad herida benta banda di caminda na Ponton. Mesora a dirigi un ambulans na e sitio na yegada di e ambulans a bin

compronde cu aki ta trata di un homber di edad cu lo

a sali pa bay cumpra algo na e supermarket prome

pero na caminda ela dal abao y a fractura su brasa.

Ambulans a atende y a transporte pa hospital.



**Ministerio di Cultura y Departamento di Cultura Aruba**  
ta anuncia cu gran tristeza e fayecimento di



**ANTONIA MADURO-RAS**

\*09-01-1939 – +27-01-2025

*Mama di Minister di Finansa y Cultura Sra. mr. Xiomara J. Maduro*

**Staf y Personal di Departamento di Cultura Aruba ta expresa palabra di condolencia y forza na Minister Xiomara Maduro y famia.**



***Cu “Mama Chida” sosega na paz.***

**Clasificados**



SOLODIPUEBLO@GMAIL.COM  
CEL.585 9500





# FORTALEZA PA FAMILIA

Scirbi pa Pastor Marcel Balootje.

## MALDAD Y MALICIA

## NO TA SABIDURIA

Santiago of Jacobo 3:14-16 ta para scirbi: Ma si boso tin envidia amargo y egoismo den boso curason, no sea arogante, y asina ganja contra e berdad. E sabiduria aki no ta esun cu ta baha bin for di ariba, ma e ta terenal, natural, diabolico. Pasobra caminda ta existi envidia y egoismo tin desorden y tur sorto di cos malo.

Ora nos sabiduria ta wordo usa pa perhudica otro hende, ora nos ta pone otro hende sinti malo, keriendo cu nos ta mas sabi, of nos ta usa un cierto sabiduria pa mantene hende abao, pa discrimina y rechasa hende esey no ta sabiduria, pero ta malicia, pasobra sabiduria cu ta bini di Dios no ta perhudica ningun hende.

Sabiduria berdadero no ta produci ganashi deshonesto, tampoco ta ruina otro pa abo keda bon, sabiduria berdadero ta traha na bienestar di tur

esnan cu busca sabiduria cu fe den Senyor, pasobra ta Senyor ta esun cu ta duna sabiduria.

Pesey e palabra di Dios ta bisa den Santiago/Jacobo 1:5; Ma si cualkier di boso, falta sabiduria lage pidi Dios, Kende ta duna na tur hende generosamente y sin reproche y esaki ta wordo duna na dje.

Pesey tur sabiduria di caya, sabiduria perverso, sabiduria cu ta destrui integridad di hende, especialmente pa nos hobennan habri nan wowo y tene cuenta cu esey no ta e sabiduria cu ta duna crecimiento, pero esey ta malicia scondi.

Arogancia ta blokia tur sabiduria, pesey e palabra di Dios ta bisa den Efesionan 4:31 laga tur amargura, furia, rabia, griteria, y calumnia, wordo kita for di boso, huntu cu tur malisia. Pasobra hopi ta kere cu mal ehempel

hunto cu palabra malo, ta demostra sabiduria y poder, pero alcontrario e ta demostra bobedad y falta di educacion.

Tene cuenta cu lo siguiente:

Ponendo un banda tur malisia, y tur enganjo, y hipocrecia, y envidia y tur calumnia, mescos cu yiunan recién naci, anhela na e lechi puro di e palabra, asina cu pa medio di dje boso por crece den salvacion, si boso purba e carinjo di Senyor. (1 Pedro 2:1-3).

Pasobra nos mes tambe un tempo, tabata ignorante, desobedecido, ganja, esclavisa na varios pasion, y placer, bibando den malisia y envidia, odioso y odiando otro. Ma ora e carinjo di Dios nos Salvador a parece, E a salba nos. (Tito 3:3-4-5).

No laga ningun hende bisa ora cu e wordo tenta, Mi ta wordo tenta door di Dios, pasobra Dios no por wordo tenta door di maldad y e no ta tenta ningun hende. Ma cada un ta wordo tenta ora cu e wordo atrai y seduci door di su mes pasion. Anto ora pasion consebi, e ta duna lus na pica, y ora pica keda cumpli, e ta produci morto. (Santiago 1:13-15).

Ken cu odia su ruman ta un matado, y boso sa cu ningun matado no tin bida eterno ta permanece den dje. (1 Juan 3:15).

E forma di papia cu ta

bin dilanti awendia, cu ta manifesta cada rato e deseo pa bringa, y deseo pa mata y deseo pa destrui, ta deseonan diabolico, pasobra e diabel a bini soloamente pa horta. pa mata y pa destrui, esey ta nifica cu ora un hende ta cana den cierto caya di violencia. E malbado ta hunto cune.

Pesey nos mester tene na cuenta constantemente kico nos ta papia pasobra nos palabranan por atrae mal influencia riba nos bida.

Stimanan, laga nos stima otro, pasobra amor ta bini di Dios, y tur cu ta stima ta naci di Dios y conoce Dios. Esun cu no ta stima no conoce Dios, pasobra Dios ta amor. (1 Juan 4:7).

E amor di Dios semper lo guia nos.

Sinceramente Pastor Marcel Balootje.

**Clasificados**



**SOLODIPUEBLO@GMAIL.COM**  
**CEL. 585 9500**

**SOLO Di Pueblo**

**Oracion di dia**

**Un feliz dia bendiciona yena cu gracia di Dios**

"Lo Bo ta sacerdote pa semper na e mesun manera cu Melkisedec."  
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconece cu Abo ta nos Rey di Husticia y acerca Bo curason misericordioso pa nos salvacion.  
Amen



Those we love don't go away. They walk beside us every day.  
Unseen, unheard, but always near, still loved, still missed and forever dear.

Cu dolor na nos curason, pero conforme cu boluntad di Dios,  
nos ta anuncia fayecimento inespera di nos ser stima:

Na nomber di:

- Su casa:** †Louis “Chito” Pâris II
- Su yiunan: Louis “Chito” Pâris III & Karin Pâris-Odor  
Edmond “Eddy” Pâris  
Carluisa “Lisi” Werleman-Pâris & Cedric Werleman
- Su nietonan: C a r l v i n Tromp & Chelsea Lu  
Emilou Tromp & Gio Ponson  
P r e s l e y Pâris & Sapphire Croes  
Leah Pâris & Hedrick Amundaray  
Luca Pâris
- Mescos nieto: Cendric Werleman  
Gyandric Werleman & Ileyna de Cuba
- Rumannan:** Sara “Cha” Marugg-Arends & Glenn Marugg  
Maximiliano “Bibi” Arends & Vanessa Arends-Croes  
Simon Arends & Marie-France Arends-Pâris  
Mario “Mayon” Arends & Zoraida Arends-Muyale  
Francis “Fenchi” Arends & Carol Arends-Vingal  
Andre “Deco” Arends & Ann Arends-Hassell  
Magaly & Patsy Arends-Hassell  
Lourdes “Lulu” Arends  
Roraima “Kia” Dubero-Arends & Henry Dubero

**Sua & Cuñanan:** †Alvin Pâris & Jacky Pâris-Curiel  
Vilma Pâris

**Tanta y Omonan na bida:**†Rudy Oduber & Clara Oduber-Osorio & famia  
Juni Oduber & Helen Oduber-Croes & famia

**Subrinonan:** Glenn Harvey Marugg & Mayrène Marugg-Helmeyer & famia,  
Yesenia (Yessy) Farro-Arends & Tinchí Farro & famia  
Melissa Arends, Maximilliano (Ibbi) Arends & Ainhua Gogorza Gondra  
Richard Arends & Arleen Arends-Oduber & famia,  
Emilie Arends, †Mario (Mayoonchi) Arends & Janilett Arends-Barcelo & famia  
Catalina (Caty) Lopez-Arends & Michel Lopez & famia, Xavier Arends & Melissa Arends-Kromopawiro & famia  
Michael Arends, Kimberly Vijsma-Arends & Ricky Vijsma & famia  
Kevin Arends & Xiomara Arends-Gomez & famia, Jonathan Arends & Isobel Edwards, Suellen Arends,  
Ezequiel Ruiz & Nashma Kuiperi, Luigi Arends & Kristiene Moreta,Aaron Dubero,  
Alyssa Dubero, Alvin “Alvintje” Pâris & Ella Jasso, Elizabeth Pâris  
Kaye Maduro & yiunan, Lynn Maduro & yiunan, Jenny Faro & yiunan

**Amigonan di cas:** Miriam Croes, Leo & Rosa Chance, Simon (Champi) Oduber, Nicolina Winterdaal, Lisette Schnog, Stanley Brown

Primo y primanan, su ihanan, ex-coleganan di trabou e.o. Landslaboratorium, MAO School, AFIA, Bureau di ex-ministernan †Don Mansur,  
†Lenny Berlinski y Glenbert Croes, Directie Economische Zaken, amigonan di Women's Club of Aruba, Aruba Secretaries Association, Order of the  
Eastern Star & famia di El Sol Naciente, voluntarionan di Fundacion Diabetico Aruba y CEDE Aruba.  
Famia: Oduber, Croes, Ponson, Mansur, Nemeck, Henriquez, Werleman, Dimanche, Charles, Tromp demas famia y amistades.

**Un danki special na su dunadornan di cuido:** dr.Fernandez, W.G.K., Botica Dakota, Cas Marie na Mama Ties, personal di EHBO y specialmente  
Stichting Cas Cristelle pa duna Carla tanto amor y atencion.  
Lo tin un box disponible pa por haci donacion na Stichting Cas Cristelle pa yuda nan sigui duna atencion profesional na nos aduhtonan mayor.  
**Oportunidad pa condolencia lo tuma lugar dialuna 3 di februari di 7.00-9.00 pm na Royal Funeral Home. Acto di despedida lo tuma  
lugar diamars 4 di februari di 2.00-3.30 pm y di 3.30-4.00pm lo tin un respons pa nos kerida Carla na Royal Funeral Home.  
Despues di despedida e acto di cremacion lo tuma lugar den ceno familiar.**

Nos disculpa si den nos tristesa nos por a lubida algun persona. Cu nos kerida “Carla” por sosega dushi den brasa di Papa Dios



**Sra. Carla M. Pâris-Arends**  
\* 17 maart 1947 - † 30 januari 2025



**Laga tur locual cu ta sperami ta bunita.  
Laga tur locual cu mi ta encontra na  
caminda ta bunita.  
Laga tur locual cu ta rondonami ta bunita.  
Laga tur locual cu mi ta laga atras keda  
bunita.  
Y laga esakinan termina den tur bunitesa.**

Cu profundo sentimento, pero conforme cu Dios su boluntad, nos ta anuncia cu a bay drumi den braza di Señor :



**Antonia Alcida Maduro-Ras**  
(Chida)

\*9 januari 1939 - †27 januari 2025  
Vuida di †Antonio "Tommy" Maduro

**Na number di su yiunan:**

**Eugene Maduro y Maureen Harms**

**Xiomara Maduro y Enrique Aaron**

**Manera yiu: Anthony Maduro y famia**

**Su nietonan:**

**Clinton Maduro**

**Antoine Maduro**

**Aleesha Maduro**

**Ethan Ruiz**

**Su rumannan:**

**†Maria y †Tan Donata y famia**

**†Max y Olga Ras y famia**

**†Ninita y †Chomon Dania y famia**

**Annie Ras**

**Flavia Ras**

**Frida Ras y yiu Kenneth Luidens**

**Olivia y Walty Croes y famia**

**†Milo y Mabel Ras y famia**

**Helen A. Ras**

**Su cuñanan:**

**†Reina Maduro y famia**

**Sita y †Thomas Dijkhoff y famia**

**†Ida y †Roman Dijkhoff y famia**

**†Margo y †Mario Henriquez y famia**

**Lilian Maduro**

Ta invita famia, bisiña, amigo y conocirnan pa e despedida cu lo tuma luga : **dialuna 3 februari 2025 for di 2:00pm pa 4:00 pm na Olive Tree Funeral Care & Crematory na Piedra Plat 27 Z, sigui pa su ultimo luga di descanso na Santana di Catholico na Paradera. Oportunidad pa condolencia ta diadomingo 2 di februari di 5:00pm pa 8:00 pm na Olive Tree Funeral Care & Crematory na Piedra Plat 27Z .**

**Nos disculpa cu despues di entierro nos no por ricibi bishita di condolencia na cas.**